

Škooulrääh čuõjtõs 2020

Vä'lddkääddlaž škooulrääh čuõjtõs leäi vuõss vuâra Turkust ee'jjest 1990 Täidmuseo tie'rmet. Histooraž podde le'jje noorõõttâm õhttsi'žže 4000 škooulne'kked, u'čtee'l da rehtoor. Škooulrääh čuõjtõs mie'rren leäi õõu'deed škoouli puârast pi'rğgummuž da staanvuõđ. Tä'bbe 19.8.2020 lij Škooulrääh 30. juhlee'kk. Tãn cisttan škooulrääh čuõjtet e'pet Turkust åå'n Veriatas-stadionist pukid škooulnii'kkid, pei'vvpäi'kkpäärnaid da mätt'tõõttjid.

Škooul õlgg lee'd päi'kk ko'st lij pue'rr lee'd. To'ben ä'lğge lee'd taaurõõžž di räâ'vesoummu, koid vuäitt tuärrjõõttäd. Ton vuäitak jiõčč tuejjeed jeärrsid pue'rr miõl, nu't štõ leäk veä'kkteei da ke'nnev. Juâkksast lij vuõiggâdvuõtt škooulrääuha, da mee'st pukin lij õõlgtemvuõtt tuejjeed škooulâst staanni pirrõs. Lij pue'rr mu'stted muskettisotuur tobddõsciâlk "õhtt puki da puk õõut peä'lest". Škooulrääh tää'rkmoš ä'sš lij õõutverddsazvuõtt, kää'tt lij va'lljuum tãn ee'jj tee'mmen. Vuäitak čõõđted õõutverddsazvuõđ vää'ldee'l taaurõõžžad kiõđâst kidd. Tãn kovvâll še ta'nnaž tobddõsciâlk "Kiõtt kiõđâst". Tobddõsciâlkki va'lljee ju'n õu'ddel koronavirus leävnummuš Lää'ddjânma. "Kiõtt kiõđâst"- tobddõsciâlkkin haa'leep kovvõõllâd tøn, štõ hã't tiõrvâsvuõttmääina peä'lest lij mättmešt pue'rr åå'nned kuu'kkab kõõsk jeärrsid, de lij še vääžnai staanad taaurõõžž da lee'd jurddjivui'm åâlda vaiggâd aai'jin.

Mâid ee'jj tee'mm õõutverddsazvuõtt tu'nne miârkkšâäv?

Ij hääi't måkam ton leäk, ko'st puäđak, le'be måkkmid pihttsid åânak, leäk päi seämma ärvvsaž gu jeärraz. Ää'v miõlin da mie'ttmiõllsaž šiõhttlõõttmõš odđ oummid di kiõččlâsttmõõžžid lij puk tøn a da o. Vuei'ttep škooulräähast še čõõđ viikkâd Muum-määma jeärrmadvuõđid kooitee'l vuei'nned pue'rid peä'lid pukin oummin. Vää'ldee'l škooultaaurõõžžad kiõđâst kidd čuä'jtak, štõ leäk suu paaldâst da vie'kkte'mmen suu. Seämmast vuâžzak jiõccsad pue'rr miõl.

Škooulrääh raajmõš ij õhttu oo'nnast, tõt oo'nnast jeärrsivui'm õõutâst. Škooulâst ton jiõk kuuitâg taarbâž lee'd puki taaurõš, leša tu'st fe'rttai seännad pukid nõkkmen gu sij lie. Lij pue'rr mu'stted tää'ssvää'ld presidee'nt jeärrmai saa'nid. Tää'rkmoš ij leäkku fyyslaž kontaktt, pe'ce jiõggsaž å'lddvuõtt da taaurõšvuõtt.

Rämmai da taaurõšvuõđâst tiuddsaž škooulee'kk pukid kiõtt kiõđâst!